



Broj: 13-11-4-13218/25
Sarajevo, 13.02.2026. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU
o izboru najpovoljnijeg ponuđača

I

Za najpovoljnijeg ponuđača za javnu nabavku usluge „Izrada projektne dokumentacije za saobraćajne objekte“, po provedenom postupku javne nabavke putem otvorenog postupka javne nabavke izabran je slijedeći ponuđač:

RADIS d.o.o. I. Sarajevo
sa ukupnom cijenom od 26.910,00 KM
(dvadesetšesthiljadadevetstotinadeset i 00/100 konvertibilnih maraka) sa PDV-om

II

Za izvršenje ove Odluke zadužuje se Služba za komunalne i stambene poslove i saobraćaj.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-13218/25 od 29.12.2025. godine.

Procijenjena vrijednost javne nabavke sa PDV-om je: 35.000,00 KM (slovima: tridesetpethiljada i 00/100 konvertibilnih maraka).

Obavještenje o javnoj nabavci broj: 935-1-2-3-3-8/26 objavljeno je na Portalu javnih nabavki dana 09.01.2026. godine

Komisija za javnu nabavku roba, radova i usluga imenovana je Rješenjem Općinske načelnice broj: 01-01-11-4-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 29.01.2026. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	RADIS d.o.o. I. Sarajevo	35.000,00 KM
2.	ROUTING d.o.o. Banja Luka	34.983,00 KM
3.	PLAN PROJEKT d.o.o. Sarajevo	35.000,00 KM
4.	INSTITUT ZA GRAĐEVINARSTVO "IG" d.o.o. Banja Luka	35.000,00 KM
5.	HKP CONSULTING d.o.o. Banja Luka	35.000,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponude ponuđača RADIS d.o.o. I. Sarajevo, ROUTING d.o.o. Banja Luka, PLAN PROJEKT d.o.o. Sarajevo i INSTITUT ZA GRAĐEVINARSTVO "IG" d.o.o. Banja Luka su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača HKP CONSULTING d.o.o. Banja Luka, Komisija je ocijenila kao **neprihvatljiva** iz slijedećeg razloga:

Tenderskom dokumentacijom u tački 7.4. „Tehnička i profesionalna sposobnost“ zahtijevano je da ponuđači trebaju ispunjavati minimalne uslove, između ostalog i slijedeće:

„b) Da ponuđač ima u stalnom radnom odnosu sa punim radnim vremenom (ili će ga angažovati za potrebe realizacije Ugovora) najmanje 1 (jednog) diplomiranog inženjera saobraćajne (drumski smjer), jednog građevinske struke (odsjek za saobraćajnice), jednog građevinske struke (odsjek za konstrukcije) i jednog građevinske struke (odsjek za hidrotehniku) sa najmanje pet godina radnog iskustva i položenim stručnim ispitima.

U svrhu dokazivanja ispunjenosti uslova iz tačke b) ponuđači su dužni dostaviti sljedeće:

DOKAZ ZA b): Izjava ponuđača (Dokument 5) da u stalnom radnom odnosu sa punim radnim vremenom ima (ili će ga angažovati za potrebe realizacije Ugovora) najmanje 1 (jednog) diplomiranog inženjera saobraćajne (drumski smjer), jednog građevinske struke (odsjek za saobraćajnice), jednog građevinske struke (odsjek za konstrukcije) i jednog građevinske struke (odsjek za hidrotehniku) sa najmanje pet godina radnog iskustva i položenim stručnim ispitima.

NAPOMENA: Uz Izjavu dostaviti ovjerene kopije diploma (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i ovjerene kopije uvjerenja o položenom stručnom ispitu za lica navedena u Izjavi (Dokument 6 i 7). ”

Ponuđač HKP CONSULTING d.o.o. Banja Luka je dostavio u sklopu svoje ponude (stranice 39 – 55) Izjavu, (kao Dokument 5) tražen u sklopu Tenderske dokumentacije, kojom je imenovana lica koja bi trebala biti angažovana na realizaciji Ugovora, te ovjerene kopije Diploma i Uvjerenja o položenim stručnim ispitima (kao Dokument 6 i 7).

Uvidom u navedene dokumente, Komisija je utvrdila da dostavljeni dokumenti (Ovjerena kopija Diplome i uvjerenja o položenom stručnom ispitu) za diplomiranog inženjera građevinske struke – odsjek za konstrukcije i diplomiranog inženjera građevinske struke – odsjek za hidrotehniku glase na druga lica, što je u suprotnosti sa tenderskom dokumentacijom, kojom je traženo da pomenuti dokumenti moraju glasiti na ona lica koja su navedena u sklopu Izjave.

Iz naprijed navedenih razloga, ponuda ponuđača HKP CONSULTING d.o.o. Banja Luka se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	ROUTING d.o.o. Banja Luka	34.983,00 KM
2.	RADIS d.o.o. I. Sarajevo	35.000,00 KM
3.	PLAN PROJEKT d.o.o. Sarajevo	35.000,00 KM
4.	INSTITUT ZA GRAĐEVINARSTVO "IG" d.o.o. Banja Luka	35.000,00 KM

Ponude ponuđača ROUTING d.o.o. Banja Luka, RADIS d.o.o. I. Sarajevo, PLAN PROJEKT d.o.o. Sarajevo i INSTITUT ZA GRAĐEVINARSTVO "IG" d.o.o. Banja Luka su unesene u sistem e-nabavki i zakazana je e-aukcija, koja je održana dana 06.02.2026. godine s početkom u 10:00 sati, i koja je trajala 1 (jedan) sat i 20 (dvadeset) minuta.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač RADIS d.o.o. I. Sarajevo ponudio najnižu cijenu koja iznosi 23.000,00 KM (slovima: dvadesettrihiljade i 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjeње cijene nakon provedene e-aukcije*
1.	RADIS d.o.o. I. Sarajevo	23.000,00 KM	26.910,00 KM	23,11 %
2.	PLAN PROJEKT d.o.o. Sarajevo	23.050,00 KM	26.968,50 KM	22,95 %
3.	ROUTING d.o.o. Banja Luka	24.500,00 KM	28.665,00 KM	18,06 %
4.	INSTITUT ZA GRAĐEVINARSTVO "IG" d.o.o. Banja Luka	24.550,00 KM	28.723,50 KM	17,93 %

* Označava približnu vrijednost procentualnog umanjeња nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču RADIS d.o.o. I. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniže cijena, u ukupnom iznosu ponude od 26.910,00 KM (dvadesetšesthiljadadevstotinadeset i 00/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



OPĆINSKA NAČELNICA

Prof. dr. Benjamina Karić

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

